



DITAME SOBRE OS PROXECTOS DE DECRETO POLOS QUE SE ESTABLECEN OS CURRÍCULOS DOS CICLOS FORMATIVOS DE GRAO SUPERIOR E GRAO MEDIO CORRESPONDENTES AOS TÍTULOS DE:

- | | |
|--|--|
| 1.- Técnico en farmacia e parafarmacia. | 12.- Técnico superior en mantemento de instalacións térmicas e de fluídos. |
| 2.- Técnico en soldadura e caldeiraría. | 13.- Técnico superior en construcións metálicas. |
| 3.- Técnico en sistemas microinformáticos e redes. | 14.- Técnico superior en eficiencia enerxética e enerxía solar térmica. |
| 4.- Técnico en servizos en restauración. | 15.- Técnico en aceites de oliva e viños. |
| 5.- Técnico en instalacións eléctricas e automáticas. | 16.- Técnico en confección e moda. |
| 6.- Técnico en carrozaría. | 17.- Técnico en planta química. |
| 7.- Técnico superior en xestión de aloxamentos turísticos. | 18.- Técnico superior en automoción. |
| 8.- Técnico superior en audioloxía protésica. | 19.- Técnico superior en patronaxe e moda. |
| 9.- Técnico superior en vitivinicultura. | 20.- Técnico superior en química industrial. |
| 10.- Técnico superior en programación da produción en fabricación mecánica. | |
| 11.- Técnico superior en desenvolvemento de proxectos de instalacións térmicas e de fluídos. | |
-

O pleno do Consello Escolar de Galicia, na súa sesión do día 8 de outubro de 2009, emite o seguinte ditame en relación cos proxectos de decreto polos que se establecen os currículos dos ciclos formativos de grao superior e grao medio de vinte novos títulos de técnico e técnico superior de formación profesional.

1. O Consello Escolar de Galicia propón a inclusión dun artigo sobre a rateo no que se estableza o nº máximo de alumnos e alumnas en 20.
2. Tamén propón que se substitúa en todos os proxectos de decreto polos que se establecen os currículos de ciclos formativos de grao superior, o punto 2 do artigo 19.- Módulo de proxecto, polo seguinte:

“Unha parte do módulo desenvolverase con carácter previo e outra coincidindo coa realización do módulo profesional de formación en centros de traballo, e avaliarase unha vez cursado este co obxecto de posibilitar a incorporación das competencias adquiridas nel”.

3. Para a disposición adicional sexta, punto 1, de tódolos decretos polos que se establecen os currículos de ciclos formativos de grao medio e superior, propónse a inclusión da expresión que figura en negriña no seguinte texto:

“O currículo establecido neste decreto require un posterior desenvolvemento a través das programacións didácticas elaboradas polo equipo docente do ciclo formativo. Estas



programacións concretarán e adaptarán o currículo ao contorno socioeconómico do centro e ás características do alumnado, tomando como referencia o perfil profesional do ciclo formativo a través dos seus obxectivos xerais, e dos resultados de aprendizaxe establecidos para cada módulo profesional”.

4. O Consello Escolar de Galicia recomenda á Administración educativa que se introduzan nos currículos dos ciclos formativos, se fora preciso, módulos propios para reforzar contidos no relacionado co coñecemento do entorno e sistema produtivo galego e adaptar ao mesmo o desenvolvemento da súa profesión.
5. Así mesmo, recoméndalle que se adopten medidas para dotar de competencia lingüística en galego a aquel alumnado que non cursou os estudos previos en Galicia e non dispón desta competencia.
6. O Consello Escolar de Galicia insta á Administración educativa para que, con relación aos espazos mínimos, poidan levarse a cabo desdobres nos módulos de maior risco e nos que se necesite atención personalizada.
7. Tamén recomenda á Administración educativa que potencie a formación permanente do profesorado que imparte docencia nos títulos de formación profesional, así como a formación en TIC e linguas estranxeiras.
8. Recomenda tamén á Administración educativa que estude solucións ás posibles situacións de falta de horario para o profesorado do corpo de profesores técnicos de formación profesional, da especialidade de oficina de proxectos de fabricación mecánica, que perden horario nos dous ciclos superiores desta familia (CS de Construcións metálicas e CS de Programación da produción en fabricación mecánica).
9. Por último, a Comisión Permanente acordou remitir unha observación que se fai ao ciclo de grao medio de carrozaría, na que suxire a inclusión de contidos de prevención de riscos e protección medioambiental nos módulos de “Mecanizado básico” e “Embelecemento de superficies”, aludindo a estas cuestións recóllense nos criterios de avaliación en ambos os dous módulos; coa finalidade de que se estude por parte do equipo técnico redactor.

O Secretario

Asdo.: José Alejo Losada Aldrey

V. e pr.
O Vicepresidente



Asdo.: Fernando del Pozo Andrés